

بِسْمِ اللَّهِ الرَّحْمَنِ الرَّحِيمِ

Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

20 Mai 2016 ~
(13 Shabaan 1437 Hijri)

(Résumé Khutba)

*Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so Khutba Jummah lors « **Bane Madames dans l'islam** »:*

BANE MADAMES DANS L'ISLAM

L'histoire pas dire nannié concernant si ena kit différence dans le statut entre les deux sexes, l'homme et la femme pendant bane débuts de la civilisation humaine. Bien plus tard sans aucun doute le sexe féminin fine être considéré comme inférieure au sexe masculin et l'idée d'infériorité fine développé à ene tel point kot le sexe masculin (bane z'hommes) fine non seulement revendique ene supériorité complet sur le sexe féminin (bane madames), mais zot fine par force servi et employe bane madames (et filles) dans façon ki zot (bane missiés là) content.

En analysant l'histoire du monde lors sa point là, nous constater ki dans l'Europe et la Grèce avant l'époque chrétienne, ki ti le centre de lumière et d'apprentissage pour ene longue période et ki ti fourni l'inspiration philosophique et scientifique à l'Europe bane l'années plus tard, alors zot ti pé considère bane du sexe féminine comme étant bien pli inférieur ki ene z'homme. Li ti pou zot couma ene esclave, ene vulgaire créature ki soumette à bane z'hommes, ki ti exister selman dans le but pou procréer et produire bane citoyens pour l'État et bane soldats pour l'armée. L'opinion de sa bane z'hommes là lor bane madames c'est ki bane madames zot bane créatures ki privé de tout bane biens, et ki au contraire zot bane sources de beaucoup de bane mals. C'est saki zot ti pensé à l'époque. Sa bane conceptions (l'idées) dégradant là fine conduire à ene dégradation morale ki fine finalement ruine la société grecque. Bane noms de bane femmes vertueuses ti pé à peine appaite dans l'histoire de bane grecques (de la Grèce).

Dans l'Arabie pré-islamique, l'idée générale lor la femme ti tellement dégradé ki so l'existence même ti considéré couma ene kitchose de honte pour la famille. Touye bane zefants filles ti pé donc pratiqué en grand nombre. Bane femmes ki, toutefois, fine échappe à ene la mort bonaire ti pé autorisé pou vivre selman par tolérance. Sa c'est parski ene femme arabe pas ti ena bane droits; zot pas ti capave hérite bane du biens ; li-même so propre personne ti fer partie de l'héritage ki héritier de so missié ki fine mort recevoir à so la mort, kot li appartenir à partir de sa à héritier de so mari, et alors sa dimoune là ti ena le droit pou marier avec li sans so consentement. Par conséquent, bane mariages impure entre bane garçons et zot bane belles-mères, ainsi ki bane les autres pratiques encore pli pire ki sa ti vine ene quelque chose de réel. La polygamie ti universelle et tout à fait sans restriction; sa ti aussi le cas pour le divorce surtout là kot (le droit de) l'homme ti concerné.

Sa ti la situation de bane filles et bane madames, bane du sexe féminin dans le monde kan le Saint Prophète de l'Islam, l'Homme Parfait, Hazrat Muhammad (saw) le Sauveur de bane madames, fine deboute dans l'Arabie, et à travers Révélation Divine ki li fine recevoir de so Rab, le Maître de tout l'Univers ki créé à la fois mâle et femelle et ki content tous les deux, fine prêche lémonde ki bane madames pareil à bane missiés et ki zot ena bane même droits, même l'honneur et ene statut égal dans la vie.

Faudé pas en aucun cas ki bane madames zot être traité couma la propriété de bane z'hommes. Zot ena le droit pou gagne (en héritage) bane propriétés et bane dibiens pareil couma bane missiés, mais selman, pas dans même proportion ki bane hommes, mais l'Islam fourni ene raison valable pour bane parts respectif ki les deux, z'homme et femme recevoir, en particulier concernant l'héritage. Sexe masculin (missié ou garçon) recevoir $\frac{2}{3}$ (deux tiers) de bane avoir et l'argent ki ene de so bane parents ou les deux fine quitter, et ene celui de sexe féminin (madame ou fille) recevoir $\frac{1}{3}$ (un tiers).

Couma mo fine déza explique sa à plusieurs reprises dans le passé, sa type de répartition de bane parts de richesse ou de bane dibiens ki bane parents décédé fine laissé, li ene répartition parfait principalement à cause grand ou dizon, à cause double responsabilité de l'homme pour prend soin de so conjoint et de so famille, et aussi parski li obtenir $\frac{2}{3}$, alors kan li marier, alors so femme apporte $\frac{1}{3}$ (dans le foyer), et donc mari et femme tous les deux forme ene seule lécorps ki recevoir ene ensemble complet de bane parts en héritage. Parfois, ena bane frères à la mort de zot parents, zot embête zot bane sœurs et promette zot ki si zot signer pou ki bane frères gagne bane du biens toujours et ki plus tard zot pou donne sa bane sœurs là zot Haqq (zot due, droit, part d'héritage), alor ena sa bane kalité frères là ki zot pas respecter zot l'engagement envers zot sœurs et zot pas donne zot zot bane parts d'héritage. Ena bane frères donner plus tard, et sa bane frères là ti bizin encourage sa bane les autres frères ki pas encore respecter zot bane l'engagement là pour ki zot donne zot bane sœurs zot Haq, parski sinon, si

arriver arrive zot ene malheur (zot quitte sa lémonde là), alors sa pou vine ene dette lor sa frère ki fine mort là.

Parfois, si la famille de madame là bien riche, alors so part d'héritage ki li recevoir, en l'occurrence 1/3 (un tiers) de bane biens capave même dépasse part ki so mari recevoir de so bane parents, c'est-à-dire, so 2/3 (deux tiers) pas équivaut madame là so 1/3 ; li bien pli moïnse! Sans doute aussi, en vertu du principe de la division, le sexe féminin ena bane fonctions spécialisé pou faire dans la vie, pareil couma le sexe masculin ena so bane propres fonctions, so bane propres devoirs.

Ena trois étapes par quoi la majorité de bane madames passer dans zot la vie, c'est-à-dire, zot rôle en tant ki ene tiffille, ene épouse et et ene maman.

(1) EN TANT KI ENE TIFILLE

Islam dénonce sans aucaine doute sa coutume inhumain ki ti pé pratiquer dans bane périodes pré-islamique, c'est-à-dire, en ce ki concerne touye bane tiffilles, et l'islam ordonne à bane dimounes pou content et gâte zot bane tiffilles encore plisse ki zot bane garçons.

Le Quran Shareef dire ki au Jour du Jugement, pou questionne ene ti bébé fille ki fine enterré vivant pour ki crime li fine être assassinée. (At-Takwir 81: 9-10). De sa façon là, devant Allah le Tout-Puissant, sa victime là li-même pou capave témoigné contre bane ki fine touye li, sa créature innocent d'Allah là, tout simplement pour satisfaire zot vanité.

Azordi jour, ki nous trouver ? Pas pé enterre bane tiffilles vivant enba disabe, mais bane parents laisse zot contrôler par zot bane zenfants, et zot donne bane tels liberté à sa bane filles là kot en d'autres mots, zot pé enterre sa bane tiffilles là vivant, kot tiffille là habille couma li envie, sans ene *Parda*, et si arriver kan tiffille là travaille et li alle content ene garçon d'ene l'autre religion en dehors, alor sa tiffille là alle pran ene chemin ki amène loin de chemin d'Allah, de chemin de la droiture.

Allah ordonne l'humanité encore ene fois: **« Et pas touye zot bane zenfants par peur de la pauvreté; c'est Nous ki pou donne zot, zot provisions, pareil couma Nous donne ou (ou provision). Touye zot, sa vraiment ene très grand pêché. »** (Bani Israïl 17:32)

Fatima ti pli jeune tiffille du Saint Prophète Muhammad (saw). Dans so traitement envers li, le Saint Prophète (saw) fine donne l'exemple d'ene amour paternel modèle pour l'humanité. Li (saw) fine déclaré plusieurs fois: *« Fatima li ene partie de mo l'être; n'importe ki sanlà ennuye li, pé ennuye moi aussi. »* (Mishkat).

Li fine également mette l'accent lor ene bon traitement, ene traitement de préférence pour bane tifilles et li fine dire : « *Kan zot apporte kitchose pour zot bane zenfants, commence par donne zot bane tifilles avant parski bane tifilles content zot bane parents plisse ki bane garçons.* »

Ena aussi malheureusement, faut dire, azordi zour ki bane tifilles fine tellement gâté, zot pas ena sa l'amour parent là dans zot et alor zot népli pran compte zot bane parents et mette zot dans bane homes.

(2) EN TANT KI ENE ÉPOUSE

Le mariage dans la loi islamique li vraiment ene contrat pareil couma bane les z'autres contrats civils entre deux parties. En ce ki concerne bane conditions du contrat, les deux parties, l'homme et la femme, zot lor le même niveau. Sak partie ena certains droits et devoirs. L'Islam ordonne observe la justice dans tous bane contrats, et donc dans le contrat de mariage aussi la justice bizin observé.

Le Quran Shareef dire: « **Quant à sa bane là (bane femmes), zot ena bane droits équivalents à zot bane obligations, d'après saki raisonnable.** » (Al-Baqara 2: 229).

Sans doute, en vertu du principe concernant répartition de bane travail, le travail bizin divisé entre les deux (c'est-à-dire, l'homme et la femme). Bane madames ena le devoir naturel pou pran soin de zot bane zenfants ziska ki zot grandi. Zot bizin consacrer zot dans elever sa bane zenfants là, et alors zot pas en mesure pou trouve bane moyens pou alle travail en dehors afin pou sécurize zot bane besoins pou vivre. Bane z'hommes zot ena donc naturellement la charge pou maintenir zot familles, y compris zot madame, et zot ena le devoir pou assure tous bane dépenses de zot la caze. Ainsi, li pas obligatoire pour ene madame pou alle cherche ene travaille en dehors de so la caze, mais si la situation financier de so ménage bizin so contribution, so coup de main, alors l'Islam pas interdit li pou faire sa, à condition ki li pas néglige so bane fonctions naturelles en tant ki femme, épouse et mère de famille et pou réponde au bien-être de bane membres de so famille et de bane activités de so la caze. En bref, nous capave dire ki dans ene la caze musulman, ene mari li censé fonctionner comme ministre des Affaires étrangères et madame là, couma ministre de l'Intérieur ou des Affaires intérieures.

Le Saint Prophète (saw) fine dire: « *Ene madame li la reine dans so la caze.* » Quran Shareef décrire position d'ene femme dans ene zoli verset: « **Et parmi So bane signes, Li fine créé de zot, bane épouses pou zot, pou ki zot capave vive en tranquillité avec zot et Li fine mette entre zot l'affection et la bonté.** » (Ar-Roum 30: 22).

Le Saint Prophète (saw) fine dire: « *Ene croyant ki so la foi li pli parfait c'est celui ki ena bane moralités bien nobles. Bane meilleurs parmi zot c'est bane ki meilleur envers zot bane*

madames. » Dans so Khutba d'Adieu pendant so premier et dernier Hajj ki li fine fer, le Saint Prophète Muhammad (saw) fine aussi mette l'accent lor le bon traitement envers bane femmes. Li fine dire: « Ô bane dimounes! C'est vrai ki zot ena certains droits vis-à-vis zot bane femmes, mais sa bane là aussi ena bane droits lors ou. Rappelle bien ki c'est avec permission Allah ki ou fine prend zot couma ou madames et ki c'est Allah ki fine donne zot à ou comme épouses et ki c'est Allah ki fine confié sa bane là avec ou. Si sa bane là respecter ou bane droits, alors zot gagne le droit ki zot recevoir (de ou) de quoi pou nourri et habille zot convenablement. Donc, traite ou bane madames bien et montrer ou gentiye envers zot, parski zot ou bane partenaires et zot dévouer envers ou... »

Avant ki sa sauveur de bane madames fine vine prêche so message (c'est-à-dire, Hazrat Muhammad (saw)), pas ti ena kit limite pour bane missiés en ce ki concerne le nombre de zot bane madames. L'Islam fine vine vraiment impose ene limite et fine autorize la polygamie ziska ene limite de quatre épouses à la fois avec l'idée pou abolir l'adultère. Polygamie autorisé pour empesse bane rapports sexuels illégales dans bane cas kot li vine difficile ou pluto impossible, dans l'intérêt de la santé sociale, pou limite le mariage à ene monogamie stricte. Ena deux l'occasions précis dans la vie de bane dimounes kot la polygamie vine nécessaire. Par exemple, si ene mariage pas rapporte so fruit, alors le mari, dans la plupart des cas, afin pou conserve li-même lor le chemin de la vertu et de la droiture capave contracter ene deuxième mariage. En plus de sa, kan le nombre de bane madames augmenter, couma sa arriver en temps de guerre kot ena morts d'hommes, alors la société de bane dimounes pou capave être sauvé de la corruption et aussi de la disparation complet seulement par sa permission pou marier plisse ki ene madame.

Le Quran Shareef limite le nombre de bane femmes pour marié à quatre à la fois et ordonne également l'égalité complète et la justice entre zot: **« Et si zot peur ki zot pas pou capave fer la justice envers bane orphelines, li permette (pou zot) ki zot marier deux, trois ou quatre, parmi bane madames ki faire ou plaisir, mais si ou peur ki ou pas pou capave fer la justice envers zot, alors (marier) zis ene sel. »** (An-Nisa 4: 4)

Bane conditions de contrat mariage bizin fini réglé par bane parties ki concernés par sa mariage là. Si, d'ene part, d'après l'enseignement islamique, bane mari ena le droit pour ena le droit pour divorcer, alors bane femmes aussi ena également droit pou fixer montant pour so *Mohr* (dotte) et pou gagne de quoi satisfaire zot concernant zot entretien, et zot aussi ena même l'autorité en ce ki concerne séparation avec zot missié kan zot trouver ki sa fine vine nécessaire lor zot pou fer sa (c'est-à-dire, prend zot *Khula*). Si ene accord au moment de mariage li faire avec considération complète et en toute confiance et avec piété, alors bane parties concerné, c'est-à-dire, mari et femme zot deboute pratiquement lor même niveau et alor pas reste aucaine possibilité pour ki bane femmes souffert.

L'Islam enseigne pour instituer la justice, l'équité et la droiture. Par conséquent, si bane ki prétanne ki zot bane musulmans pas observe bane principes islamiques, alors c'est de zot faute et pas capave en aucun cas accuse l'Islam de sa. Si bane dimounes azordi zour fer ene abus de l'autorisation de la polygamie et zot essaye cachiette zot bane actions déplacer derrière manteau de la légalité islamique, c'est de zot faute et zot mérite ene punition bien sévère devant la Cour d'Allah Qui au courant de tout, Qui trouve tout, et Qui conné saki zot cachiette dans zot lécoeurs. En vérité Allah favorise la droiture et la vertu pour So bane serviteurs et fine ouvert bane chemins et fine mette au point bane moyens afin pou préserve zot lor So chemin droite.

Mo arrête ici pour aujourd'hui. *Insha-Allah* mo pou contigné lor le même sujet dans mo Khutba vendredi prochain. Ki Allah béni bane madames, sans ki bane z'hommes zot incomplets, sans ki la continuation de la race humaine pas ti pou impossible, et ki Allah faire zot vine bane sources réels de réconforts et de l'aide pour zot bane parents, zot bane conjoints et zot bane enfants, mais surtout pour la cause de l'Islam, la cause d'Allah, dans l'humilité, la piété et la générosité. *Ameen.*